



BARAZA LA WAWAKILISHI – ZANZIBAR

ORODHA YA SHUGHULI ZA LEO

BARAZA LA TISA LA WAWAKILISHI

MKUTANO WA SITA

Kikao cha Kwanza – Tarehe 10 Mei, 2017.

Kikao Kitaanza Saa 3.00 (Tatu) Asubuhi
na Dua itasomwa.

I. TAARIFA YA SPIKA:

II. HATI ZA KUWASILISHA MEZANI:

Waziri wa Nchi, Ofisi ya Makamu wa Pili wa Rais:

Nakala zote za Gazeti Rasmi la Serikali pamoja na vijalizo vyake kuanzia tarehe 4 Machi, 2017.

Waziri wa Nchi, Ofisi ya Makamu wa Pili wa Rais:

Hotuba ya Makadirio ya Mapato na Matumizi ya Ofisi ya Makamu wa Pili wa Rais kwa Mwaka 2017/2018.

Mwenyekiti wa Kamati ya Kusimamia Ofisi za Viongozi Wakuu wa Kitaifa:

Hotuba ya Maoni ya Kamati ya Kusimamia Ofisi za Viongozi Wakuu wa Kitaifa kuhusu Makadirio ya Mapato na Matumizi ya Ofisi ya Makamu wa Pili wa Rais kwa Mwaka 2017/2018.

III. MASWALI:

Ofisi ya Makamu wa Pili wa Rais:

127. MHE. SULEIMAN MAKAME ALI (Jimbo la Ziwani) - Atamuuliza Mheshimiwa Waziri wa Nchi, Ofisi ya Makamu wa Pili wa Rais:

Mwezi Novemba, 2013 Mheshimiwa Waziri wa Nchi Ofisi ya Makamu wa Pili wa Rais alifungua jengo la skuli ya Ndagoni lenye vyumba vinne na aliahidi kutoa kompyuta mbili na printer moja kwa niaba ya MBM Mhe. Shawana Bukheit Hassan. Hata hivyo, ahadi hiyo bado hadi leo haijatekelezwa.

Je, ni lini kompyuta na printer hizo zitapelekwa skuli ya Ndagoni ili kukamilisha ahadi aliyotoa Mheshimiwa Waziri.

Ofisi ya Rais, Tawala za Mikoa, Serikali za Mitaa na Idara Maalum za SMZ:

118. MHESHIMIWA OMAR SEIF ABEID (Jimbo la Konde) - Atamuuliza Mheshimiwa Waziri wa Nchi, Ofisi ya Rais, Tawala za Mikoa, Serikali za Mitaa na Idara Maalum za SMZ:

Kwa kuwa kuna idadi kubwa ya watu wenye umri kuanzia miaka 40 na kuendelea ambao hawana vyeti vya kuzaliwa.

- a) Je, Serikali haioni kwamba kuwepo kwa idadi ya watu ambao hawana vyeti vya kuzaliwa kunasababisha Serikali kutokujua takwimu halisi ya watu wake, na kutowezesha Serikali kujipangia mpango wake wa maendeleo.
- b) Je, Serikali ina mpango gani wa kuwapatia vyeti vya kuzaliwa Wazanzibari ambao hawana vyeti hivyo.

Ofisi ya Rais, Katiba, Sheria, Utumishi wa Umma na Utawala Bora:

48. MHESHIMIWA MWANTATU MBARAK KHAMIS (Nafasi za Wanawake) - Atamuuliza Mheshimiwa Waziri wa Nchi, Ofisi ya Rais, Katiba, Sheria, Utumishi wa Umma na Utawala Bora:

Wananchi wote wanawajibu wa kutii Sheria na si busara kwa wananchi kuvunja Sheria. Hata hivyo, Uvunjifu wa Sheria unatokana na wananchi kutokuwa na uelewa wa kutosha juu ya Sheria za hapa nchini kutokana na sheria hizo kuandikwa kwa lugha ya kiingereza.

Je, Mhe. Waziri huoni Sheria zetu kuandikwa kwa lugha ya kiingereza kunapelekea wananchi hao kushindwa kuzielewa na kupelekea wavunje Sheria hizo na kushindwa kudai pale wanapokoseshwa haki zao.

Wizara ya Fedha na Mipango

2. MHESHIMIWA MWANAIDI KASSIM MUSSA (Nafasi za Wanawake) - Atamuuliza Mheshimiwa Waziri wa Fedha na Mipango:

Zanzibar ni miongoni mwa nchi yenye maeneo mengi ya uwekezaji, lakini asilimia kubwa ya uwekezaji huo unaonekana kukiuka taratibu zilizopo kisheria.

- a) Je, Wizara imejipanga vipi kuhakikisha kuwa taratibu zote za uwekezaji zinafuatwa.
- b) Migogoro katika maeneo ya uwekezaji inazidi kuongezeka siku hadi siku. Je, ni Wizara au Taasisi gani ina dhamana ya usimamizi wa utoaji wa vibali vya uwekezaji hapa Zanzibar na ni kwa nini migogoro hiyo inaongezeka.

Wizara ya Kilimo, Maliasili, Mifugo na Uvuvi:

18. MHESHIMIWA MASOUD ABDULRAHMAN MASOUD (Jimbo la Bububu) - Atamuuliza Mheshimiwa Waziri wa Kilimo, Maliasili, Mifugo na Uvuvi:

Tarehe 16 Februari, 2017 wakati Mhe. Waziri akijibu swali namba 11 kuhusu wakulima kuuziwa dawa ya magugu ambayo imepitwa na muda aliliambia Baraza hili Tukufu kwamba dawa hizo za magugu zimepelekwa TPRI, Arusha (Tropical Pesticide Research Institute) kwa uchunguzi zaidi baada ya ule walioufanya Wizara ya Kilimo hapa Zanzibar.

- a) Je, nini jawabu ya utafiti huo wa Arusha.
- b) Kama dawa hiyo yenye ujazo wa lita 8 imebainika kuwa ni mbovu, huoni ipo haja ya aliyeshinda tenda arudishe hiyo dawa ilikotoka kwa gharama zake.

Wizara ya Habari, Utalii, Utamaduni na Michezo:

8. MHESHIMIWA SALHA MOHAMED MWINJUMA (Nafasi za Wanawake) - Atamuuliza Mheshimiwa Waziri wa Habari, Utalii, Utamaduni na Michezo:

Kuna vijana wengi ambao wanavipaji tofauti hasa katika michezo na kama wataendelezwa itakuwa vyema hata kuwasaidia kupata ajira.

Je, Serikali imejipanga vipi kuwaekea vijana mkakati wa kuweza kuendeleza vipaji vyao.

Wizara ya Ardhi, Maji, Nishati na Mazingira:

5. MHESHIMIWA SAID OMAR SAID (Jimbo la Wingwi) - Atamuuliza Mheshimiwa Waziri wa Ardhi, Maji, Nishati na Mazingira:

Itakumbukwa kwamba mnamo miaka ya 1990 Serikali kwa nia njema ilivunja nyumba katika eneo la kituo cha umeme mtoni kwa nia ya kuweka usalama wa eneo hilo.

- a) Je, Serikali bado inania kuliweka eneo hilo kuwa eneo la wazi.
- b) Kama nia hiyo bado ipo, kwa nini eneo hilo linaendelea kutumiwa kwa shughuli nyengine.
- c) Kama nia hiyo haipo, kwa nini Serikali isirejeshe viwanja kwa wananchi waliovunjiwa.

Wizara ya Ujenzi, Mawasiliano na Usafirishaji:

55. MHESHIMIWA SIMAI MOHAMED SAID (Jimbo la Tunguu) - Atamuuliza Mheshimiwa Waziri wa Ujenzi, Mawasiliano na Usafirishaji:

Kwa kuwa usafiri wa anga ni miongoni mwa mambo ya Muungano, ni faida gani Zanzibar inaipata kifedha pamoja na ajira kutokana na sekta hii ya usafiri wa anga.

122. MHESHIMIWA OMAR SEIF ABEID (Jimbo la Konde) - Atamuuliza Mheshimiwa Waziri wa Ujenzi, Mawasiliano na Usafirishaji:

Kwa kuwa kwenye Taasisi za Ulinzi wafanyakazi huwa si vyema kuwepo katika kituo cha kazi kwa muda mrefu sana. Na kwa kuwa katika Uwanja wa Ndege wa Karume Pemba kuna baadhi ya wafanyakazi waliohudumu hapo kwa zaidi ya miaka kumi na tano (15) jambo ambalo hupunguza utendaji bora wa majukumu ya kazi zao.

- a) Je, ni lini Serikali itawabadilishia vituo vya kazi wafanyakazi ambao wameshahudumu kwa muda mrefu kwenye Uwanja wa Ndege wa Pemba.
- b) Je, ni wafanyakazi wangapi ambao wameshahudumu uwanjani hapo kwa muda mrefu na ambao wanatarajiwa kufanyiwa mabadiliko ya vituo vya kazi ili kubadilisha uzoefu wa kazi.

IV. HOJA ZA SERIKALI:

Waziri wa Nchi, Ofisi ya Makamu wa Pili wa Rais:

Kwamba Baraza hili liingie katika Kamati ili kujadili Makusudio na Shabaha zilizomo katika Makadirio ya Mapato na Matumizi ya Ofisi ya Makamu wa Pili wa Rais kwa mwaka 2017/2018.

Zanzibar,
10 Mei, 2017.

(Raya Issa Msellem)
KATIBU WA BARAZA.